

Ո Ր Ո Շ ՈՒ Մ թիվ- 170
վարչական տույժ նշանակելու մասին

«12» մայիսի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Մարիամ Վահերի Չմյանի վերաբերյալ նյութերը.

Պ Ա Ր Զ Ե Ց Ի

2022 թվականի փետրվարի 3-ին Մարիամ Չմյանի կողմից թիվ 05100033/030222/0003862 տարանցման հայտարարագրով ՀՀ է ներմուծվել ընդհանուր՝ 1500 ԱՄՆ դոլար արժեքով, 860 կգ քաշով ապրանք, որը, վերոնշյալ տարանցման հայտարարագրում նշված ժամկետում, նշանակման մաքսային մարմին՝ ՊԵԿ Արարատյան մաքսատուն-վարչություն չի հասցվել, այլ առանց մաքսային մարմնի թույլտվությամբ բեռնաթափվել և հանձնվել է այլ անձի:

Փաստի առթիվ ՀՀ ՊԵԿ մաքսանենգության դեմ պայքարի վարչությունում Մարիամ Չմյանի նկատմամբ ՀՀ մաքսային օրենսգրքի 196-րդ, 197-րդ և 198-րդ հոդվածների հատկանիշներով 20.04.2022թ կազմվել են մաքսային կանոնների խախտման վերաբերյալ արձանագրություն:

Վարչական վարույթի ընթացքում Մարիամ Չմյանը բացատրություն է տվել այն մասին, որ զբաղվում է ՀՀ-ից Թուրքիա ավտոբուսով զբոսաշրջիկների տեղափոխմամբ: Հերթական անգամ 03.02.2022 թվականին Թուրքիայից ՀՀ վերադառնալիս ՀՀ է տեղափոխել 860 կգ քաշով բեռ, որի վերաբերյալ Բագրատաշենի մաքսային-կետ բաժնում իր անվամբ լրացվել է թիվ 05100033/030222/0003862 տարանցման հայտարարագիր: Իր բացատրությամբ հայտնել է, որ նշված բեռը չի հասցվել հայտարարագրով նշանակված մաքսային մարմին՝ ՊԵԿ Արարատյան մաքսատուն-վարչություն, այլ առանց մաքսային մարմնի թույլտվությամբ ապրանքը հանձնել է այլ անձի:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը.

ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 1-ին ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին համապատասխան, գտնվում են մաքսային հսկողության տակ միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի.

ԵԱՏՄ մաքսային օրենսգրքի 150-րդ հոդվածի համաձայն՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձեւակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է ապահովել ապրանքների, մաքսային կապարակնիքների եւ կնիքների, կամ նույնականացման այլ միջոցների պահպանվածությունը, եթե այդպիսիք կիրառվել են, առանց մաքսային մարմինների թույլտվության՝ թույլ չտալ «մաքսային տարանցում»

մաքսային ընթացակարգին համապատասխան փոխադրվող (տրանսպորտով փոխադրվող) ապրանքների բեռնաթափումը, փոխաբեռնումը (վերաբեռնումը) եւ ապրանքների հետ այլ բեռնային գործողությունների կատարումը:

<<Մաքսային կարգավորման մասին>> ՀՀ օրենքի 123-րդ հոդվածի 2-րդ կետի համաձայն՝ ներմուծվող ապրանքները Հայաստանի Հանրապետության տարածք ներմուծման պահից մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ:

Մաքսային կարգավորման մասին ՀՀ օրենքի 128-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 196-րդ հոդվածի համաձայն՝ մաքսային մարմնի կողմից դրված կապարակնիքները կամ ապահովության այլ միջոցները վնասելը կամ կորցնելը՝ առաջացնում է տուգանքի նշանակում՝ 200,000 դրամի չափով:

ՀՀ մաքսային օրենսգրքի 197-րդ հոդվածի համաձայն՝ մաքսային հսկողության ներքո գտնվող ապրանքների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցների փոխումն առանց մաքսային մարմնի թույլտվության՝ առաջացնում է տուգանքի նշանակում՝ այդ ապրանքների մաքսային արժեքի հիսուն տոկոսի չափով:

ՀՀ մաքսային օրենսգրքի 198-րդ հոդվածի համաձայն՝ մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի հիսուն տոկոսի չափով:

Մարիամ Չմյանը պատշաճ ծանուցվել է գործի քննության վայրի և ժամանակի մասին, սակայն վերջինս չի ներկայացել, միջնորդություններ, առարկություններ չի ներկայացրել: Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

Համաձայն ՀՀ կենտրոնական բանկի պաշտոնական կայքէջի տվյալների՝ 1 ԱՄՆ դոլարի փոխարժեքը 05.04.2022թ-ի դրությամբ՝ կազմել է 469.21 ՀՀ դրամ, այսինքն՝ 860 կգ քաշով ապրանքի արժեքը ընդհանուր՝ 1500 ԱՄՆ դոլարը համարժեք է եղել 703815 ՀՀ դրամին:

Այսպիսով, գործի նյութերով պարզվել է, որ Մարիամ Չմյանը իր անվամբ լրացված թիվ 05100033/030222/0003862 ապրանքների հայտարարագրով ՀՀ է ներմուծել 860 կգ քաշով բեռ ընդհանուր՝ 703815 ՀՀ դրամ արժեքով, որը մաքսային հսկողության ներքո գտնվելու ժամանակ, առանց մաքսային մարմնի թույլտվությամբ պոկելով թիվ RA 192243-44 մաքսային ապահովման միջոցը՝ բեռնաթափել և հանձնել է այլ անձի, այսինքն՝ թույլ է տվել ՀՀ մաքսային օրենսգրքի 196-րդ, 197-րդ և 198-րդ հոդվածներով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրություններով, թիվ 05100033/030222/0003862 ապրանքների հայտարարագրով և Մարիամ Չմյանի բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 196-րդ, 197-րդ և 198-րդ հոդվածներով, 206-րդ և 221-րդ հոդվածներով,


Ո Ր Ո Շ Ե Ց Ի՝

1. Մարիամ Վահերի Չմյանին (Հասցե՝ ՀՀ, ք. Երևան, Դավիթաշեն 1 թաղ., փող., 32 շենք, բն. 50,, անձնագիր՝ AT0674355) ճանաչել զանցառու՝

- ՀՀ մաքսային օրենսգրքի 196-րդ հոդվածով՝ տուգանելով 200000 ՀՀ դրամ:
- ՀՀ մաքսային օրենսգրքի 197-րդ հոդվածի 1-ին մասով՝ տուգանելով 860 կգ քաշով բեռի մաքսային արժեքի 50 տոկոսի չափով՝ 351908 ՀՀ դրամ:
- ՀՀ մաքսային օրենսգրքի 198-րդ հոդվածի 1-ին մասով՝ տուգանալով 860 կգ քաշով բեռի մաքսային արժեքի 50 տոկոսի չափով՝ 351908 ՀՀ դրամ:
- Ընդհանուր տուգանքի գումարի չափը կազմում է՝ 903815 ՀՀ դրամ:
/վճարումը՝ 900005024055 հաշվեհամարին կող 19/

2. Որոշման մասին հայտնել Մ. Չմյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ